

民國廿二年

靈溝橋事文後
北京治安紀要


清毓桂題



民國廿二年

靈溝橋事官後
北京治安紀要

陸鏡桂題



叙言

自古賢豪之士忠於謀國貴有真見遠識權衡利害重輕決主張於寸心爲百年以至百世之計目前毀譽是非不應有所顧徇其間尤不得著一私字然而難矣予自民國十一年漫遊贛粵北歸因目擊共產黨之發踪萌芽方興未艾其爲禍不僅亡國且足亡種其手段則滅文明滅歷史絕立國之本根及種族延存之因素其危險程度宏無既涯烈難方喻杞憂之餘覺此事恐非中國自力所能禦止捨親仁善鄰外更無其他徑途時共產之說初起國人尙未重視故亦無深切之研究與認識率以迂謬目予予則毅然不顧獨行其是多與友邦賢達遊此予親日之始也十七年後黨人竊政赤化侵凌內而歧視華北人民排斥壓迫同於俘虜外而挑撥國民感情鼓盪抗日置東亞全局於不顧日華兩國文種攸同唇齒密接合則共榮爭則無幸國民黨私心用事藉抗日以獵愛國之名共產黨惟恐天下不亂囂擾策動無所不用其極列強不利亞洲兩大國家之合好復從而捭闔之於是兄弟相殘之局漸以鑄成遂有九一八之事黨人不悛其國策之謬誤益厲私圖誠意盡蠲自取喪辱猶乃高唱抗日殘民以逞 毓桂 一介草昧心懷其危多方浼人諷諫不聽乃糾合同志舉義津門明知卵石之不敵聊以激發賢豪共伸正氣原期犧牲一己首難於前自有全國志士踵武於後彼慙如能悔禍則元氣不致大傷否則國蠹由於自除頽勢猶可強挽詎黨人積惡因太重他方施詭計過毒起仆相續迄無成功此固 毓桂 輩力荏誠信未孚亦彼蒼之不佑中國也及塘沽協定既成宋哲元主政華北堅邀予出任冀察政務委員會政務處處長時雖知狂瀾難挽大難當前猶冀以前方一隅之力緩衝其間牽制全局謀戰禍之倖免乃以三事說宋一

友邦之宜真誠親善二共產黨之當澈底剷除三對黨政府之貪暴自私排除異己必要時應有自我不易之主張不能徇其私意從其亂命宋皆深韙之悉允焉予乃拜命履任助宋組織冀察政務委員會華北之民久苦苛暴政會成立外則敦仁鄰之親善揭反共之大義內則秉公恤民與民更始止紀綱講吏治蘇疾苦扶善良未三月庶政煥新元元歸附宋氏之聲聞躍然日起當時默計國民黨釀成之危局縱終不免於一發果宋氏能堅其信念從予忠言則冀察適當前方導火之線不使之燃假以歲年予當事者以靜心深思之機則戰禍仍不無徐銷之望即或不能在位一日猶可權得一日之安與時推延生民塗炭之慘尙不致遽見乃宋氏左右二三僉壬爲國民黨所收買未久即陰施謗愬於宋前宋驚虛名無肩担乃漸疏予更有獻替不復如曩者之乾斷異行而僉壬之傾軋乃益力方半年餘遂解予政務處長職此數月間予所建白者只百行二三耳予解組時見宋語之曰大廈將傾一木曷支及今而去猶以爲晚公其誌之茲日也卽兩國戰端開始之期明年今日中國無乾淨土矣宋聞言默然予既離政務處繼之者悉反予所爲政務因循吏治旋廢文武幹部多受蔣介石氏之利誘頑強自恃羣小欺蒙粉飾於其間宋氏乃蔽聰塞明於其部佐之所爲漸不能知知亦不能制未躋一載在宋氏回里假期內蘆溝橋事變遂生宋聞變趨還先至津予知掀天之禍已肇始端息難靡從回天無力然猶思爲保全半壁山河之計先與日本駐北京特務機關長松井少將商定辦法北方仍存留冀察政權惟實施協力防共經濟提携等條件以和平方式解決蘆溝橋事變倘黨政府仍貫澈其乖謬方策則友邦大軍南指渡黃河之水斷長江之流逕行膺懲黨軍殲滅蔣氏蔣氏果屬男兒抗戰有力儘可交綏於石城天塹楚尾吳頭華北

[illegible]

地方人民仍可晏然安居不蒙糜爛議既協詣津謁宋痛陳利害宋爲之動容和意已決於是擁節回京撤去防禦物兩方由對峙進於調解階段詎宋氏抵京後其左右已爲黨府用將領專擅不聽約束親信輔弼復匿情蒙蔽巧事譴張廣安門事件因之而起其經過實情至今外間尙不詳茲事也予曾身與之故所知較確緣東交民巷友邦駐軍是日有三百人出城野操比出城門旋閉及操畢歸來至城下喚啟門守城軍士不敢應乃請命於宋時宋之前秘書長戈定遠自黨政府使命來京唆宋向友軍啟釁謀犧牲宋氏以貫澈其排除異己之方策故戈伺宋側不離守城軍士既來請命乃使參謀處作報告不叙友邦駐軍出城野操之以前經過但言有若干日軍強欲入城宋不知前事乃下令不聽日軍入予聞之知不遽解釋誤會立生乃與張市長自忠同赴進德社謁宋告以城外日軍係東交民巷駐軍野操歸來各國駐軍出城演習乃載在條約者宋曰此間所接報告殊不爾予曰公如不信可電警察局詢問即明真象及以電話問警局陳局長得復果爲晨間出城野操之三百日軍宋每日向須午睡既知原委乃曰吾倦欲眠君等酌爲之可也因就臥張自忠手書奉委員長諭開城一條交軍士持去傳命予乃與張同出當予輩與宋言時戈即隱旁室潛聽予輩方行旋有某參謀入面戈報告日軍久候城門不啟焦急而怒已列陣陳機關槍炮作式攻城矣戈若忠宋者立應以所聞告之飭照張市長傳命辦理詎其心存叵測遽答曰汝可報告委員長某參謀乃入面宋宋午夢驚醒倉卒聞某參謀言日軍列槍炮待發狀一躍而起下令武力敵抗某參謀遂復傳令此令在後且出於宋則張彘所代傳者當然失效予歸寓宋之副官長某雷告予此事予再出僞張已遍尋不得於是京門喋血市衢變爲戰場馴致事態擴大益不可收拾

廣安門事件之真象如是其中主使有人及世所傳某參謀爲廣安門事變往來奔走之卓卓者實即密
幕中構成事變之巨魁特知者鮮耳友軍鑑宋氏言行未符已深憤慨而天津廊坊等處更開始敵對冀
東保安隊復被誘叛變當時京畿四周烽烟匝起友軍不能更忍乃揮其雄師奮其炮火向正面合圍四
野炮聲隆隆愈逼愈近空中機聲軋軋去旅來城內外居民東逃西避扶老携幼負笈挈簞惶惶然不
知所爲至此戰局已成雖有魯連復生儀秦運辯而燃眉焰烈止火奚從時宋氏尙居城內所部二十九
軍分佈城郊內外士卒無知受奸人煽惑以禍國爲愛國以害民爲利民不知身落甕中喪亡在即猶思
一逞予念北京爲全世界文物之區關係東方文化至鉅地稱首善世所景瞻爲四方之軸樞全國之命
脈予自幼僑寓此土迄數十年父老兄弟非親即友情同故鄉是日爲民國二十六年七月二十八日勢
已萬分迫急宋若猶死守不退則翌日必致大炮環攻飛機下炸數千年菁英所蓄之國都立成齏粉蟲
沙灰燼轉眼間耳大難猝臨宋氏既於予有舊曷忍見其覆亡俄傾身殉孤城徒禍蒸民無益國是旣爲
城商民戚復爲當道憂彷徨煎灼更不暇爲身家之思予於此數日間奔走呼籲猶冀和平解決於萬
一七晝夜未眠至最後二日城內各衢巷二十九軍臨時設步哨填積防禦物以備巷戰不復能通行
人予尙勉赴各方苦口排解是日予車甫自寓駛出不數武即遭步哨阻不得前乃爲道姓名及所事始
強行通過沿途遇防禦物則徒步跋涉自城西至城東隨地阻難時四野及南苑炮火正殷日已逾晡宋
一日數遷厥居兵衛森拱羣小尙事包圍予念非立促宋速行退出更遲則其一身難免闔城亦受池魚
之殃而北京休矣欲親往說之已不可能乃走筆爲書致宋曰 魏桂猥以庸愚辱承眷顧追溯先德青藍

之契不棄寒門葑菲之材依恃以來重荷紆尊略分下懷感戢益莫能名毓桂學殖早荒罔識時務祇以籍隸燕冀默察危機竊謂居今日華北之衝舍親善無圖存之計冀者屢陳管見曾荷譽垂豈意蒙公拔擢受公恩遇之流竟魯莽昏頑誤公一至於此蘆溝變作和議中蠲禍起廊坊遂至不可收拾今日之事嚴重已達極端雙方一觸不徒北平百餘萬生靈立成齏粉即我華北全區亦必盡歸糜爛我公碩望威名與數十年心力締造之十餘萬部衆豈復尙能倖存現在我公心膂股肱中未嘗無一二明曉大義之人無如亦皆懾於主將之悍凶不敢有所陳述毓桂忝託師門重懷故誼期謀墜露輕塵之報願畢扶危遏亂之詞茲爲公計今公擁鉅萬之衆因此危城中與平市百萬人民生命財產相繫相維兵燹一開同化灰燼如公毅然不復愛惜則已否則爲保全多年部伍愛護全市生靈挽一己之聲施慰高堂之暮景惟有速頒班師之令即日率領全部軍隊退出京城所有地方善後一切事宜仍請遴派素負重望大員令其負責維持冀察政權俾行政不絕統系則根本有所循依華北大局仍可由親善而謀鞏固果能照此辦理不僅北京市郊人民感切肌膚同聲愛戴即華北之衆亦同拜厚賜公雖引去而光明磊落猶不愧爲愛民愛國一大英雄耳時迫勢亟掬淚陳詞行止從速惟公自擇之書畢遣人馳送宋轅予亦歸寓心知大劫將至僅此最後一着挽回之望已賸一髮惟有聽天任數而已至亥子之交宋以電話復予謂決從予言立即就道瀕行以政委會事交張自忠并兼京市長至警察局則派張玉衡張適在座力言非所能任堅辭不允宋已戒途待發時更無他人能肩茲萬鈞重負遂改派予而宋即行宋行後當夕張自忠偕友好二人深夜至予寓敦勸就職予念時至艱危轉眼天明一身不足惜事機瞬息萬變特恐稍一


失計全城仍屬難保乃堅辭張等知予性具北方之強風以畏蕙爲恥乃以言激予曰君不任此是懼危難惜身命也平生慷慨急難之勇氣至此何在且我知其難尙勉爲之君乃不我共豈以我爲不足友乎予雖知其故爲激詞然自念當時確無人任此予爲之利鈍不可期猶有可望若予亦不爲兵興如火玉石難分則一片焦土將立見於數小時後撫心良不忍咄嗟之頃遂決計拚此身以下全城運命言下奮然許之揮張等去速其自事其事時已向晨予乃隻身赴警察局接篆警局前局長已隨宋行局中各主要官佐未去正惶惶然無所從此中率多年舊吏與予屢經共事情感夙深見予至紛亂中得主權聲如雷一致擁戴局中雖寧而市上崗位早散各門緊閉飛機聲與砲聲相應市民驚竄秩序已無予首以保護全市人民生命財產昭布商民激勵官警隨即復崗位正新聞安商賈消反動同時與友邦使館特務機關聯絡由其分電本國並前方軍隊報告北京治安由 毓桂 維持實行友善之經過消息飛傳戰機立解一日之間京局遂定其後分別整飭金融商業恢復繁榮救濟食糧燃料勸導親善清查戶口搜緝黨共安撫郊區收容各縣難民獎勤懲惰激濁揚清以及日後招待友軍入城支應需要溝通感情祛除誤會前後數十日夜眠食不遑更有城內外殘餘軍隊及冀東變兵之解散編遣尤屬委曲求全以免地方受戕數輕身涉奇險以生命相質始達最後安全之解決設偶生枝節則北京情況仍未可知至於故宮二向爲黨共鷹犬所把持事變發生其首腦雖逃逸而此輩暗中策劃勾結少數員工謀定期舉事搶掠之後將宮殿付諸一炬其時大勢惘安人心未靖若故宮一旦火起則北京治安亦難維持故蒞任之初百忙中責成其中幹才錢君使統管國寶典籍所積之故宮博物院古物保存所歷史博物館國立圖書

館四機關成立聯合警備處派警給槍以資防守指揮得人奸謀未逞由危轉安竟無一毫損失亦云矣此次巨變空前戰雲瀰漫全國北京由予及所屬官警以不眠不息之精神忍苦支維經時五月終以平安穩渡直迨新政府成立其間種種措施往往超逾警察事權以外蓋非常時期各機關無形停滯勢非得已全市行政之推動胥資於警察一切涉外事務亦在在須於警察接洽不能不隨事應付有時所關不僅一市動涉全局果一時因應付失當則流弊遺殃足以及於邦國來茲反之顛危紛紜之中仍可垂庥造福故此五月餘之所爲雖曰維持治安實尙不僅維持治安也惟短期內經過之事何慮萬端雖間有案牘可稽然一事之來原因複而變化多時忽遽而勢牽糾卷冊所載不過一鱗半爪多非首尾俱存其間尙有無限要事雲至騫生或多方以措籌或數言而解決不及形諸楮墨者儘多且當時與此事者爲甲與彼事者則爲乙或始與此事者爲丙而終於其事者又爲丁事過境遷欲謀列舉無遺胡可得哉總之毓桂此度出任艱鉅倖未致隕越者辦事得力則寅僚竭誠翊佐之功上下協力忠勤之效至於犖犖之大端則叨賴友邦軍憲推聲應氣求之愛宏將扶玉助之施俾毓桂得以攄盡智能奏茲末績而同舟諸賢之不吝指導父老弟昆之羣情愛護均爲毓桂所時刻感念永世銘鏤者茲以行篋中積存此類文稿因其畧與國變史事有關不忍毀棄爰命當日曾與斯役者二三人整理編次擇要彙輯成書既竟請序於予因之往事歷歷思如潮湧奮筆直書其原委縷緒不能自止雖言之攸冗亦可畧補簿書之未足庶後世有考焉嗟乎十餘年來葵藿孤心妄期救國及變作勢危猶退而欲策華北半壁之安初志未航次願不效最後僅保全尺寸之隅才微德薄慚疚終身名此書爲蘆溝橋事變後北京治安紀要者

叙 言

匪敢自炫其能實以誌予無窮之愧也是爲序

中華民國二十七年十二月歲次戊寅冬古高城潘毓桂序於津市公廨



潘 長 燕 生




張 秘 書 主 任 修 府



(霖瑞問顧祝者坐對)公辦內室

下 山 迎 歡





藤 赤 迎 歡